

善本方志輯·第一編

中國地方志集成

萬曆興化縣新志(二)

中國地方志集成

善本方志輯·第一編 ⑤3

萬曆興化縣新志(一)

鳳凰出版社●上海書店●巴蜀書社

圖書在版編目（C I P）數據

中國地方志集成·善本方志輯·第一編 / 鳳凰出版社
編. — 南京：鳳凰出版社，2014.5
ISBN 978-7-5506-1218-1

I. ①中… II. ①鳳… III. ①中國—地方志 IV.
①K29

中國版本圖書館CIP數據核字(2014)第101386號

中國地方志集成·善本方志輯·第一編



著 作 者	本 社 編 選
責 任 編 輯	王愛榮 吳 瓊
封 面 設 計	范一辛 姜 嵩
出 版 發 行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號,郵編:210009
出版社網址	http://www.fhcbs.com
經 銷	鳳凰出版傳媒股份有限公司
印 刷	金壇市古籍印刷廠有限公司 江蘇省金壇市晨風路186號,郵編:213200
開 本	787×1092毫米 1/16
印 張	3420.5
版 次	2014年5月第1版 2014年5月第1次印刷
標 準 書 號	ISBN 978-7-5506-1218-1
定 價	44500.00圓(全七十八冊)

(本書凡印裝錯誤可向承印廠調換,電話:0519-82338389)

萬曆興化縣新志(一)

(明)

歐陽東鳳 修
嚴錡纂



《萬曆興化縣新志》十卷，明萬曆十九年（一五九二）刊刻，現據鈔本影印。

目錄

萬曆興化縣新志（一）

.....

興化縣新志序

興化縣蓋淮揚名邑云往余備員漕道檄
有司各脩其志而卒莫有應之者蓋時多
水旱民教未振而俗吏所務多在簿書期
會筐篋刀筆之間私心悼焉頃歐陽若谷以
進士高第出宰是邑政通人和乃創新志勒
為成書問序于不佞不佞喜并州之文獻

有徵而嘆歐君之能興教化也乃不辭而序
曰自天地剖判以來其王化之大行也孰有
于唐虞成周乎然禹貢者唐虞之志也分別
九州而書之厥賦有上下中厥田有白壤黃壤
厥貢有球琳琅玕玄纁璣組雖熊羆狐狸納
錫大龜之徵亦所不遺周禮者成周之志也
有六典八法八則九柄九貢九賦九式之序有

祭祀朝覲冠婚喪紀師田行役之法而登魚
鼈龍蠃之微亦所必錄此民物土風有所
維持而泰和元氣流行于唐虞成周宇宙間
也秦漢以來自子長孟堅之外如三輔黃圖
東都記洛陽伽藍記鄴都故事東京記他如
余知古有渚宮故事雷次宗有豫章記沈瑩
有臨海土風記周處有陽羨土風記孫處玄

有潤州圖注劉恂有嶺表錄異郭璞之傳山海經陸澄之書地理鄺元之注水經皆雜志也皆有關於世教者也而記述之疎未有勝于今日者也歐君以少年登高第政事之暇慨然以著作為己任仰觀于天文則星野緯占為紀有五俯察于地理疆域形勝物產為紀有三中觀于人事建置城池水利田賦戶口徭役風俗

祀典為紀二十有二紀人官而秩官名宦武勲武功昭如也紀人文而鄉賢名臣辟舉科貢逸民掾吏燦如也紀詞翰而名賢家乘井如也終外紀而賓飲民行女德歲青異聞炳如也且索之圖籍咨之道路考之荒僻訪之耆舊好惡下偏而中正之則示焉稱譽不過而是非之準定焉雖謂為一方之實錄可也往邑有宗學憲

子相者嘉隆間才子也與先大夫同榜談字內
名志惓惓以沔陽志為稱首乃吾鄉童士疇
太史作也有李文定子實者嘉隆間賢相也
與先大夫莫逆曾見不佞所脩淮安府志擊
節賞之以為遷固之遺兩先生之好文如此
假令生存今日而見茲編有不忻然嘆服而為
桑梓之邦之幸哉竊恨兩先生有良史才

不及志興化斯亦有司之過也余竊謂文獻足
而風俗純風俗純而王化彰令君所稱挽斯世
斯民於三代之隆以順

主上徙歆之治意在斯乎意在斯乎題數
語弁焉

萬曆辛卯秋日五嶽山人陽陽陳文燭譔

集不具示

戶



也

興化縣新志序

賜進士知興化縣事潛江歐陽東鳳譔

三代列國侯封皆有史官掌記時事秦郡
縣天下禁挾書除謚法而列國之史廢矣四
方章奏輿圖悉歸博士掌故之府金匱石室
之秘世罕見之蕭何入關收秦圖籍而漢祖
緣是以知阨塞便攻守是知紀載之書為用甚

大古者天子省方則命太史陳風市司納價欲
以觀民設教非史末繇也

明興一統有志郡縣有志內外相維詳略相因
一時裨官野史各紀聞見撰成一家之言而仁人
志士又莫不悉心殫慮以展其經國之猷奮筆
直書以洩其憤世疾邪之蘊蓋自載記以來作
述之家於斯盛矣惟茲興化僻處東海斥鹵之

地賦重民罷物力少供而人文之美則不敢以虛
讓若乃省閣名公朝廷元輔諫垣臺史部書藩
臬心膂股肱之佐先後踵出乎其鄉誠綽紳
之淵藪人才之都會也二百年来聞見之所熏
習師友之所誦說故家遺俗流風善政多有存
者東鳳承乏茲土獲覩舊志世代沿襲瓌落
錯陳爰起